


Headline	Selesakan tempat berteduh		
MediaTitle	Harian Metro		
Date	06 Apr 2018	Language	Malay
Circulation	179,231	Readership	537,693
Section	Setempat	Page No	59
ArticleSize	602 cm ²	Journalist	Raja Norain
PR Value	RM 70,872		



Selesakan tempat berteduh

■ **TNB peruntuk RM300,000
baik pulih 50 rumah
masyarakat Orang Asli di Pekan**

**Raja Norain Hidayah
Raja Abdul Aziz**
morain@nstp.com.my

Pekan

Tenaga Nasional Berhad memperuntukkan RM300,000 untuk membaik pulih 50 kediaman masyarakat Orang Asli di Parlimen Pekan, tahun ini.

Program Membaik Pulih Rumah Golongan Miskin itu adalah sebahagian daripada Program Kemasyarakatan Lestari TNB dan ia membabitkan 34 kampung di kawasan Parlimen berkenaan.

Perdana Menteri, Datuk Seri Najib Razak ketika Program Lawatan Kerja dan Ramah Mesra Bersama Masyarakat Orang Asli Parlimen Pekan di Sekolah Kebangsaan Kampung Simpai di sini, baru-baru ini berkata, pihaknya berbesar hati atas inisiatif TNB yang turut sama membantu golongan miskin terutama masyarakat Orang Asli.

“Saya difahamkan program ini antara projek tanggungjawab sosial (CSR) TNB dan selaku Ahli Parlimen Pekan, saya bersyukur atas sumbangan serta bantuan yang diberikan.

“Mereka yang layak menerima pertolongan ini akan menerima bantuan untuk membaik pulih rumah mengikut keperluan terutama dari segi struktur dan juga pendawaian elektrik serta bekalan air bersih. Pasti kehidupan mereka akan bertambah selesa selepas ini,”katanya.

Pada majlis itu, Najib turut mengumumkan tambahan membaik pulih 50 lagi rumah untuk fasa kedua nanti.

Untuk permulaan, ia membabitkan 50 rumah dengan kos RM300,000 dan tambahan 50 rumah lagi akan dilakukan pada masa akan datang.

Selain bantuan berkenaan, Najib berkata, kerajaan dengan kerjasama TNB akan memasang 3,770 unit lampu jalan kampung menerusi Projek Lampu Jalan

Headline	Selesaikan tempat berteduh		
MediaTitle	Harian Metro		
Date	06 Apr 2018	Language	Malay
Circulation	179,231	Readership	537,693
Section	Setempat	Page No	59
ArticleSize	602 cm ²	Journalist	Raja Norain
PR Value	RM 70,872		



NAJIB bersalaman dengan masyarakat Orang Asli ketika tiba di Program Lawatan Kerja dan Ramah Mesra Bersama-sama Masyarakat Orang Asli Parlimen Pekan di Sekolah Kebangsaan Kampung Simpai.



NAJIB menerima replika cek daripada Azman (kanan) pada Program Lawatan Kerja dan Ramah Mesra.

Kampung 9 (LJK9) di negeri ini.

“Daripada jumlah itu, 45 unit lampu jenis High Pressure Sodium Vapour (HPSV) akan dipasang di 31 kampung di Pekan yang memberi manfaat kepada 12,000 penduduk.

“Syarikat Feilo Sylvania juga menyumbang RM100,000 bagi tujuan pemasangan 3,000 unit lampu LED di 15 sekolah di Pekan khususnya di perkampungan Orang Asli.

“SK Simpai adalah satu daripada sekolah yang terpilih untuk pemasangan lampu berkenaan dan saya dimaklumkan ia akan menjimatkan 50 peratus penggunaan elektrik,” katanya.

Turut hadir di majlis itu ialah Yang Dipertua Dewan Undangan Negeri Pahang, Datuk Seri Ishak Muhammad; Ahli Dewan Negara, Senator Datuk Isa Ab Hamid; Pengarah Jabatan Kemajuan Orang Asli

Malaysia (JAKOA), Johari Alwi dan Ketua Eksekutif TNB, Datuk Seri Azman Mohd.

Sementara itu, Azman berkata, pihaknya membelanjakan kira-kira RM28.7 juta untuk program baik pulih rumah dan memberi manfaat kepada 1,197 penduduk sejak ia dilaksanakan pada 2007.

“Untuk tahun ini, kita memperuntukkan RM7.1 juta untuk program berkenaan membabitkan

186 keluarga,” katanya.

Pengerusi Muafakat Orang Asli Parlimen Pekan, Midun Tan berkata, program baik pulih rumah itu antara yang ditunggu masyarakat Orang Asli di kawasan berkenaan memandangkan kebanyakan mereka masih tinggal di rumah usang dan daif.

Katanya, kebanyakan rumah Orang Asli dibina sendiri dan dari segi struktur, reka bentuk rumah serta aspek keselamatan sering menjadi masalah bagi mereka.

PROGRAM MEMBAIK PULIH RUMAH GOLONGAN MISKIN



- Program Kemasyarakatan Lestari TNB diperkenalkan pada 2007
- Beri manfaat kepada 1,197 penduduk sejak 2007
- RM300,000 untuk baik pulih 50 kediaman di Parlimen Pekan